

講好話，做好事，存好心

甲：佢係茶妹

乙：佢係滿妹

甲乙：茶妹、滿妹同大家問好~大家好

乙：ㄟ~茶妹，你知麼个係「三好」無啊？

甲：喔！「三好」這簡單，就係「吃好，睡好，精神好」

乙：(指對方)人哪憨，看面相就知。講你精，佢會發癲。佢

同你講，(展開手)「三好」就係「講好話，做好事，
存好心」

甲：麼个安到「講好話」？

乙：嘿~哪講著你知，鬚仔就會打結喔~

甲：人講：「好心毋使食長齋，好朋友毋使結拜」。你同佢
係揸泥毋洗手个好朋友，你就做好心，講分佢知。

乙：阿無，你先說一句，分佢聽看哪。

甲：喔~好(抓頭?比有點子手勢)恁久無看著，你仰變到恁大
籬呢？

乙：ㄟ~你講个係麼个話？

甲：台灣个~客家話阿

乙：(搖頭)你正經係「爛泥扶毋上壁」喔！愛講「你看起

來~紅螺花色, 恁得人惜喔！」

甲：係喔~! 佢知, 佢知. ㄟ~你个頭那頂仰無麼个毛呢？

乙：ㄟ~細人仔有耳無嘴，愛講「十個光頭, 九個富)」正係好話。

甲：敗勢啦！敗勢啦！ㄟ~你仰面臭臭呢？

乙：這…要仰般講（用手搔頭）

甲：「管」，一支長長啦「管」，愛講「燈籠恁靚愛點燈, 阿妹恁靚愛笑容」。

乙：毋成猴，「毋聲就毋聲, 一開聲就打爛盞」。

甲：你喔！坐轎个毋知扛轎个辛苦一到這下你正知喔！（風神樣）。

乙：人講「良言一句三冬暖, 惡語傷人六月寒」。你愛較注意兜仔。

甲：佢知, 佢知

乙：好咧，續下來，佢來講「做好事、存好心」个故事。頭擺，在一個「月光華華」个暗晡夜。

甲：（攬胸，頭望望）

乙：有一個（茶妹扭腰擺臀行台步）——阿叔姆（茶妹跌倒樣）

甲：(委屈樣)佢係恩台灣最靚,最得人惜个阿叔姆

乙：這個阿叔姆駛等佢个「銅管仔車」(茶妹轉動方向盤)

駛啊！駛仔，駛到一個十字路口等紅青燈（茶妹踏擋仔），忽然間,看到頭前有一个細阿妹仔橫在路脢。

乙：阿叔姆本來想下車看哪！（茶妹開車門做下車樣）毋過（茶妹坐轉位仔）——佢想仔一下！（茶妹做思考樣）

甲：這下個時代,好心無一定有好報，好心著雷打,人講「畫虎畫皮難畫骨，知人知面不知心」，這毋係吾事「莫三隻鼻公空~閒管。」。

乙：毋過，話講轉來，「人咧做，天咧看」，阿叔姆過想一「下仔」（茶妹托左片面頰）、過想一「下仔」（茶妹托右片面頰）

（茶妹頭歪一片，跋嘴兩擺）

甲：ㄟ~過想一下仔，就天光咧啦！（敲對方頭那）

乙：阿叔姆想了一「下仔」，佢決定要「存好心、做好事」，佢就煞煞下車去看个个細阿妹仔,到底係發生麼个事情。（走向頭前,倒在地泥打側橫，面向正片，假扮著傷者）

甲：(探查樣) ㄟ~細阿妹仔，細阿妹仔，你有仰般無啊？（同

對方翻過來)啊——(著驚一下)仰會係吾个妹仔啊！

你仰會橫在這呢？

乙：阿姆，頭先，佢恬恬坐在這，遠遠看到一台砂仔車駛過來

甲：(打斷話)丫喔~阿姆哀喔，係分砂仔車撞到係無啊！(緊張查看滿妹有著傷無)

乙：無啦！係砂仔車後背个~三輪車啦！

甲：吼！你嘛一擺講分佢清楚，害我著驚一下。

乙：敗勢啦~阿姆。

甲：好得喔！佢有下車來看哪，正經係「做好事，較贏食長齋；存好心，較贏賺現金」。係講，憨嬖仔，遠遠看到車仔來，你仰毋曉得遽遽走呢？

乙：佢仰毋曉得遽遽走？佢腳痺啊！腳痺要仰般走啊！

甲：好啦~阿姆同你扶起來（扶、扶、扶毋起）憨嬖仔，你仰恁大籊

乙：阿姆~講~好~話

甲：無毋著！嘴唇兩層皮，講好講壞由在佢。

乙：故所，恩俚愛多講好話

甲：佢係茶妹

乙：佢係滿妹

甲：祝大家「吃好、睡好、精神好」

乙：請大家共下「講好話，做好事，存好心」

甲乙：分恩 俚个社會過較和掙。恁仔細，承蒙大家，正來
祭。